

Jučerašnja konferencija za tisak u uredu OHR Brčko

Pitanja i odgovori na temu zahtjeva upućenog od strane javnog tužioca Brčko Distrikta Skupštini Brčko Distrikta – pitanja postavljena Ambasadoru Henry L. Clarke-u

Zbog toga što je diskusija koja se vodila tokom jučerašnje konferencije za tisak u uredu OHR Sjever u Brčkom pogrešno predstavljena danas u medijima, dostavljamo vam točnu transkripciju pitanja i odgovora na temu zahtjeva za skidanje imuniteta nekolicini skupštinskih delegata u svrhu obavljanja istrage upućenog od strane javnog tužioca Brčko Distrikta Skupštini Brčko Distrikta.

Pitanje: Zamolila bih supervizora da prokomentarira zahtjev koji je javni tužilac Brčko Distrikta proslijedio Skupštini Brčko Distrikta u svezi sa ukidanjem imuniteta gospodinu Đapi i još nekolicini poslanika za, kao što je tužilac rekao, malverzacije u Općtini Rahić Brčko?

Odgovor: Kao što znate u Brčkom imamo neovisno sudstvo a to uključuje i neovisno tužilaštvo, neovisnog tužioca. Posao tužioca je da radi na ovim pitanjima od onog trenutka kada postoji dovoljna osnova za sumnju. Međutim što se tiče samog zahtjeva da se skine imunitet, to je potrebno kako bi se započeo proces. Dakle, ni za koga nije ustanovljeno da je kriv. A, na Skupštini je da u okviru utvrđenih pravila i procedura odgovori na ovaj zahtjev onako kako je to propisano.

Pitanje: Kao dodatak prethodnom pitanju – u slučaju da Komisija za izbor i naimenovanja ukine imunitet pomenutim osobama, da li to znači da ćemo imati skupštinsku krizu i kako ćemo je prevazići?

Odgovor: Ne bih zaista špekulirao o tome sada.

Pitanje: Gospodine supervizore, ljudi iz Skupštine, protiv kojih je pokrenuta istraga su danas potpisali priopćenje za javnost u kojem su naveli da su pojedini djelatnici OHR-a i međunarodne zajednice, naročito oni iz istočno-evropskih zemalja, kivni na njih i da oni stoje iza svega ovoga.

Odgovor: Nisam vidio zaista takvo priopćenje za javnost i mislim da zbog toga ne bi bilo ni prikladno da komentarišem takvo što. Nadam se da će cijeli ovaj proces biti sproveden na ekspeditivan način i da ćemo proći kroz sve ovo bez nanošenja nepotrebnih šteta dnevnom političkom životu u Brčko Distriktu.

Pitanje: Da li smatrate da će gospodin Đapo biti sposoban da na odgovarajući način vodi i predsjedava Skupštinom ako je pod istragom?

Odgovor: Postoje pravila Skupštine o tome kako treba on da se ponaša u ovakvim situacijama. Ja zaista želim biti pažljiv i ne miješati se u taj proces.

Za dodatne informacije, molimo, kontaktirajte djelatnika ureda za odnose sa javnošću OHR Brčko Suzanu Pejčić na 049/205 666 ili 066/133 526.